



Randi Vestergaard Evaldsen, Demokraatit

Inatsisartunut ilaasortaq

### **§ 37 naapertorlugu Nationalbankenimit misissueqqissaarneq pillugu apeqqutigineqartumut 2017-209-mut akissuteqaat**

Allakkap ullua: 12-09-2017  
Suliap normua 2017 - 19116  
Allagaatip suussusaa. 6051541

P. O. Box 1037  
3900 Nuuk  
Tel. (+299) 34 50 00  
Fax (+299) 34 63 50  
E-mail: oed@nanoq.gl  
www.naalakkersuisut.gl

Asasara Randi Vestergaard Evaldsen,

Inatsisartut suleriaasiat § 37 malillugu apeqqutinnut qujanaq.

#### **1. Naalakkersuisut Nationalbankenip kalaallit nunaata aningaasaqarnera pillugu misissuinermini inernerniliineranut naliliineranullu isumaqataanerlutik (Danmarks Nationalbankip misissuina nr.13 ulloq 16. august 2017<sub>1</sub>)? Naalakkersuisut akissuteqarnerminni qinnuigineqarput immikkut nassuiaqqullugit sooq ataani allassimasunut naliliinernut isumaqataanerlutik imaluunniit isumaqataanginnerlutik?**

**Apeqqut 1-imut akissut.** Nationalbankenip aalisarnermi ingerlalluarneq aammalu ataatsimut aningaasaqarnikkut siuariartorneq pillugit tamakkiisumik inerniliisimanagera Naalakkersuisut isumaqatigaat. Naalakkersuisut 2017-imi Aningaasaqarnikkut ingerlatsineq pillugu Nalunaarusiaat saqqummiunneqarnerani 2018-imut aningaasanut inatsisissatut siunnersuummut nalinginnarmik nassuiaatit Nationalbankenip inerniliinerata pingaarnertut sammisaasa assigaat. Mittarfiit allissutissaannut apeqqummut tunngasumut, takornariaqarneq malunnaatilimmik annertuseriassasoq aammalu inuutissarsiornikkut, kiisalu innuttaasunut angallassinermi aningaasartuutitut annikillierartissasoq Naalakkersuisut qularinngilaat. Taamatuttumillu aamma pisariaqassaaq, suliassaqarfittut allatullu tapersiinnissaa, ataatsimoortumillu aningaasarsiornermut qaffassaaqataalluni.

#### **a) Nuummi illoqarfiup ineriartortinnissaanut suliaq eqqarsaatigalugu (ilaatigut illunik, atuarfinnik, atuareernerup kingorna ornittakkanik meeqperivinnillu sanaartornissaq) taava suliat tunngaviusumik akilersinnaanerisa aalajangertussaavaat ilumut silatusaarnerunersoq piviusunnagortinneqarnissaat?**

**Apeqqut 1.a-mut akissut.** Aap, illoqarfimmut inerisaanissamut pilersaarutit kommunip aningaasaqarnera siunissaq ungasinnerusoq eqqarsaatigalugu qajannaatsuunissaa ikorfartussavaa. Kommuneqarfik Sermersuup illoqarfimmut inerisaanissamut pilersaarutitut tunngatillugu kingullertigut isummorsorfigisarsimavaat, pilersaarut

tamakkiisoq pilersaarutitut arlalinnut immikkoortiterlugu naammassiniarneqassoq, tassanilu suliniutinik pisortat namminersortullu aningaasaleeqatigiillutik annikitsukkaanik misileraanermik ingerlatsissasut. Pisortat sullissisoqarfii soorlu atuarfiit, paaqqinnittarfiit aammalu atuareernerup kingorna ornittakkanik alliliinernut aningaasaliinissaq aningaasarsiutaasussatut siunertaqanngimmat, takorluugaanngilaq taarsigassarsilluni aningaasaliiffigineqarnissaat.

**b) Timmisartunut suluusalinnut mittarfiliornissaq Nuummilu ineriartortitsinissamut suliaq piviusunngortinneqassappata ataatsikkut, taava qularnanngilaq aporfiit pinngoralissasut taamatullu aningaasartuuteqarnerunissat ilaatigut Danmarkimi Islandimilu sanaartornerup sanarfinerullu annertuallaarnerat pissutigalugu?**

**2. Naalakkersuisut qanoq iliorniarpata qulakkeerumallugu Nuummil mittarfiliornerup aamma illoqarfimmik ineriartortitsiniarluni suliat aporfilersuilinginnissaat taamaasillutillu akitsorsaataalinnginnissaat? Akissummi Naalakkersuisunut nassuiaqquneqarpoq qanoq iliorluni pinngitsoortitsiniarluni pilersaarusiortoqassamaarnersoq peqataanik isummerfigeqquneqarpoq eqqormat oqaatigineqartoq tassa Islandimi Danmarkimilu sanaartortoqarpallaalerpat tamanna nunatsinni aningaasartuuteqarnerunermik kinguneqarumaartoq?**

**Apeqqummut 1.b-mut 2-mullu akissut.** Mittarfiliornissamut sanaartornerit aammalu Nuummil allanilu illoqarfimmut inerisaanissamut pilersaarutitut inaarinnissaq soorunami sanaartornerup iluani ilungersunarnerulersitsinnassaaq, ullumikkut piginnaasatigut amigaateqarfioersuni. Pingaartumik Kalaallit Airports A/S-mi naatsorsuutigineqarpoq sanaartortitsinermi suliasat arlalissuit, nunanit allanit sulisoqarluni suliarineqassasut, taamaasilluni naatsorsuutigineqarsinnaalluni nunanut allanut neqorooruteqartitsinnaaneq. Tamanna ilaatigut siunertaqarpoq, sanaartortoqarpallaalernissap pinngitsoortinniarnissaata, saniatigullu aningaasartuutissat annertussusaasa appasitsinniarnissaannik. Taaneqartoq kingulleq angalasussanut aningaasaliinissamut aningaasartuutissat annikitsumiitissavaat, angallattunut iluaqutaasussamik.

**3. Naalakkersuisut isumaqarpat Sanarfisassat Namminersorlutik Oqartussat piviusunngortitaat taamaallaat nalilerneqaaqaartassasut ilumut tunngaviumik akilersinnaanersut taamaasillunilu aalajangerneqarluni isumatusaarnerunersaq suliat piviusunngortinneqarnissaat? Imaluunniit Namminersorlutik Oqartussat iluanni sanaartugassaqarpa Naalakkersuisut isumaat naapertorlugu piviusunngortinneqarsinnaasunik naliliisoqaraluarpuunniit piffissami massakkut naligat appasippallaartoq imaluunniit allaat ajussasooq taamaallaat akilersinnaassusaa tunngavigalugu naliliisoqassagaluarpata?**

**Apeqquut 3-mut akissut.** Namminersorlutik Oqartussat assigiinngitsunik aningaasaliisarpoq, pisortat sullissisoqarfii ass. Peqqinnissaqarfik ilinniartitaanerlu

siunissaq ungasinnerusoq eqqarsaatigalugu pitsanngorsarniarlugit aningaasaliiffigineqakkajuttarput. Imminut akilersinnaaneri kisiisa isiginiarlugit nalilerneqarsinnaanngillat. Illuatungaanili assersuutigalugu nukissiuutinit ataavartunit innaallagissamik pilersuinissamik aningaasaliinerit, aamma niuerutiginnissaannik siunertaqartarput, aammalu piffissami pilersaarutit nalingi, ataatsimut nalilissallugit pingaaruteqartorujussuuvoq.

#### **4. Naalackersuisut Nationalbankip misissuineranut isumaat pingarnerit suuppat?**

**Apeqqut 4-mut akissut.** Apeqqut 1-imut akissut takuuk.

#### **5. Naalackersuisut suliamut tunngatillugu soqutiginarunik allanik oqaatigisaqarsinnaappat?**

**Apeqqut 5-imut akissut.** Naalackersuisut ilassutitut nalunaarutigissavaat illoqarfimmik siuarsaanissaq, Nuummi kisimi pilersaarutigineqanngimmat, Ilulissanili aamma siuarsaanissaq pilersaarutaammat. Ilulissani mittarfiup tallinissaa annertuumik sunnuteqassaaq, taamaasilluni takornariaqarnerulissaaq, hotelinik sanaartortoqassaaq, Ilulissani illoqarfiup iluani atortulersuutitigut pitsanngorsaasoqassaaq, kiisalu inissianik sanaartortoqarluni.

Ilulissani, Nuummi Qaqortumilu mittarfiliornissamut tunngatillugu 2018-imut aningaasanut inatsisissamut allannguutissatut siunnersuuteqarnissaq Naalackersuisut naatsorsuutigaat. Tamanna pissaaq mittarfiliornissamut neqorooruteqartitsinissami, aammalu aallarniinissamut aningaasaliinissamut, aaliangiinerni oqaasertassaliussat aqputigalugit.

Inussiarnersumik inuulluaqqusillunga

Med venlig hilsen

  
Aqqaaluaq B. Egede